

Ing Upaya ning Dios

Libre E Pisasali

Tinipun nong Watson Goodman

ING UPAYA NING DIOS

Makanau tang ilarawan ing upaya ampon kaguiwan ning Talapaglalang at Mayupayang Dios kapamilatan da ding limitado tamung kaisipan? Tune imposible a abalu tamu iti, uling ing Dios tune yang mayupaya at maragul a ding kekatang mangalating kaisipan era malyaring abalu iti.

Dapot ing Dios pepasiag na ing Sarili na kapamilatan na ning Keang Libro, ing Biblia, ban ipakilala na ing tune nang upaya king SABLANG BAGUE a inisip ning tao imposible. Lelangan ne iting yatu at binitin ne king kalawakan kilub da ring libo-libong banua na ngeni at mamantinian ne king Keang upaya. Ipagkalub na king yatu ing kayang pamangailangan agguiamang kasing ing Diablo at ing tao sisiran na.

Inya, kaministilan dinan tang pansin ing katutuan na ning Keang Amanu king pamipakit na king Keang alang anggung upaya kekatamu.

—Watson Goodman (1920-2002)

Lelangan na ing labuad king pamamilatan ning keang kayupayan, tinatag na ing yatu king pamamilatan ning keang kabiasaan, at inatyat nala ding banua king pamamilatan ning keang pamanalastas. —Jeremias 10:12

Isaias 40:18a, 22, 25 at 26

Kaninu ye pin itulad ing Dios? ... Ya iti ing makalukluk king bilug na ning labuad, at ding manuknangan kaniti anti la mung durun; yang milalaganap karing banua a anti mong metung a tabing, at laladlad nalang anting metung a kubu bang panuknangan; ... Kaninu yuku pin itulad, bang akakametung naku? sasa-

bian na ning Banal. Itas yula ding kekong mata babo, at lawan yunung ninu ing linalang kareti, a papalual king karelang ejercito agpang king bilang; ausan no ngan king pamamilatan ning lagui; king uli ning degulan ning keang kapayan, at anti ning masikan ya king kayupayan, alang magkulang.

Jeremias 32:17

Ah Guinung JEHOVA! oini, lelangan mo ding banua at ing labuad king pamamilatan na ning kekang maragul a kayupayan at king pamamilatan na ning makayatyat mung takde; alang bague a milalu kasakit dikil keka.

2 ENE MALYARING LALANGAN SATANAS ING PLANETA AT ISABIT KING ANGIN

Maniti kayu, maglame kayu:
ing kekong kasanlang a diablo,
anti yang leon a mamius, gagala
ya, manintun yang alaklak na.

—1 Pedro 5:8

Inya anti ning sulu nakatamu
ning Dios, e ta dapat isipan king
ing Pangadios katulad ne ning
guintu, o ning pilak, o ning batu a
medukit a larawan king kabias-
nan at pantas nang pamaniapat
ning tau. —Ding Dapat 17:29

King kamumulan ya ing Verbo,
at ing Verbo kagum ne ning Dios,
at ing Verbo Dios ya. . . . Ing ke-
ganaganang bague mepalyari
ngan king uli na, at nung e ya

nanuman king melalang alang
milyari. Ing tulisan e ya daratang,
nung e ya manako, at makamate,
at sumintang

—Juan 1:1 at 3; 10:10a

At ya sinabi na karela, Aku ikit
ke i Satanás anti mong metung a
kildap a mababaldug manibat
banua. —Lucas 10:18

. . . at e ku buri ing atin kung
pamakiagum karing demonios.

—1 Corinto 10:20b

I Jesús pekisabian nong pasi-
bayu, ngana, Aku ing sulu ning
yatu; ing tuki kanaku e lumakad
king dalumdum, nung e mike ya
kea ing sulu ning bie. —Juan 8:12

Ing Dios miniabi ya mu misan, mekaladua ku dimdam iti, king ing upaya makatungkul king Dios. —Dalit 62:11

Isaias 43:13a

Wa, manibat inyang mika ating aldo, aku na pin; at alang maka-pagligtas king kanakung gamat.

1 Cronica 29:11, 12

Keka, Oh JEHOVA, ing dangalan, at ing kayupayan, at ing ligaya, at ing pamagtagumpe, at ing degulan: uling ing anggung atiu karing banua at king labuad keka; keka ing kayarian, Oh JEHOVA, at mitas ka a pekabuntuk babo ning sabla. Ing pibandian at ing puri manibatan keka, at ika

ing sasakup king sabla; at atiu king kekang gamat ing kayupayan at sikanan; at atiu king kekang gamat ing pamiparagul, at pamipasikan karing sabla.

Deuteronomio 3:24

Oh Guinung JEHOVA, kekang pigmulan a pepakilala king kekang talasuyu ing kekang degulan, at ing kekang gamat a masikanan: uling nanu ya ping dios ing karin banua o king labuad, a makarapat agpang karing kekang dapat, at agpang karing kekang mayupayang pangimut?

Lucas 1:37

Uling alang amanung ibat king Dios a alang upaya.

At king degulan na ning ke kang kayapan daragsa mo ding mi-babangun salang keka: Tutuburan mu ing ke kang mua, tatampusan nong anting pipalutan.

—Exodo 15:7

Marangal ya ing ke katang Guinu, at makapayan king kayupayan; ing ke kang pamanalastas e asaguiran.

—Dalit 147:5

Makanianman linigtas nala king uli ning ke kang laguiu, Bawang apakilala ing ke kang makapayan a upaya.

—Dalit 106:8

Ika i JEHOVA, ika mung bukud; ika ing linalang king banua, ing banua ra ding banua, pati na ding

karelang sablang ejercito, ing labuad at ding sablang bague a atiu kaniti, ding dayatmalat at ding sablang atiu karela, at ika ing panatili karela ngan; at ing ejercito na ning banua sasamba keka.

—Nehemias 9:6

Panuanan me i JEHOVA, Oh kadua ku, Oh JEHOVANG kakung Dios, bina kang maragul; makaimalan kang puri at kamalan king panga ari.

—Dalit 104:1

King balang aldo aku panuanan daka; at purian ke ing laguiu mu angga king kapilan pa man, maragul ya i JEHOVA, at dapat yang purian; at ing ke kang degulan e ataruk.

—Dalit 145:2, 3

Uling makanian kong mipabandian dakal king pamanlub king alang anggang kayarian ning kekatang Guinu a Talapagligtas i Jesucristo.
—2 Pedro 1:11

Manalig kayu kang JEHOVA king kapilan pa man; uling kang JEHOVA, i JEHOVA pin, metung yang alang anggang roca.
—Isaias 26:4

Bayu la linto ding bunduk, o bayu me lelangan ing labuad at ing yatu, manibat pin king alang angga angga king alang angga, ika ing Dios.
—Dalit 90:2

Dapot i JEHOVA ya ing tune Dios; ya ing mabie a Dios, at metung a alang anggang Ari: king

keang pamikapali gagalgal ing labuad, at e ra malyaring apibata ding bansa ing keang pamikasbu.

—Jeremias 10:10

...At ing mangangaragul a siwala karin banua, at sinabi ra, ing kayarian king yatu, milyari yang kayarian na ning kekatang Guinu, at ning keang Cristo: at ya magari ya angga king mangga.

—Apocalipsis 11:15b

Kayupayan Nang Satanas Dapat Masintang

At ing diablóng mamiraya karela misaldak ya king dayat-dayatanmalat ning api at asupri, ...at ila mipasakitan... angga king mangga. —Apocalipsis 20:10

6 ING MAKAPAGMULALANG UPAYA NING DIOS KING DAYATMALAT A MALUTU

Exodo 14:21, 22, 26, 27, 30a

At inatyat neng Moises ing keang gamat king babo na ning dayatmalat; at i JEHOVA pepabalikan na ing dayatmalat king pamamilatan na ning metung a masikan a angin aslagan king kabukas, at ing dayatmalat guewa nang gabun a malangi, at ing danum mikawani. At ding anak na ning Israel mine la king libutad na ning dayatmalat king babo na ning malanging gabun: at ing danum meguing metung a kuta karela king wanan da, at king kailira... At sinabi nang JEHOVA

kang Moises, Iyatyat me ing keang gamat king babo ning dayatmalat, bang ing danum mibalik pasibayu karing tau Egipto, karing karelang carro, at karing karelang sasake kabayu. At inatyat neng Moises ing keang gamat king babo ning dayatmalat, at ing dayatmalat misubli ya king keang sikanan kanitang mayabak na; at ding tau Egipto pesitakas lang sasalangsang kaniti; at depulpul nong JEHOVA ding tau Egipto king libutad na ning dayatmalat... Makanian nang linigtas JEHOVA ing Israel king aldo a ita king gamat da ding tau Egipto.

ALANG HIMALANG MARAGUL A ENA AGAWA NING DIOS 7

*Pamipakan Karing Milyon-
Milyon Katao Lub Da Ding
Apat Apulung Banua*

Exodo 16:12b-15

... Potang gatpanapun mangan kong laman-kati, at pangaabak kumabsi kong tinape; at abalu yu king aku i JEHOVA a kekong Dios. At milyari pangagatpanapun, king ding pugu dinatang la, at tikpan da ing parang: at pangaabak, ing ambun makalaganap king makapatulug ning parang. At kanitang ing ambun a makalaganap pepaitas na, oini, atiu king lupa na ning ilang ing malating bague a mabilug, malating anti mo ing ambun king

babo na ning gabun. At inyang ikit da ding anak na ning Israel, misabisabi la ing metung at metung, Nanu iti? uling e ra balu nung nanu ita. At sinabi nang Moises karela, Iti ing tinape a binie nang papakan JEHOVA kekayu.

*Pepalangi Ning Dios Ing Danum
King Ilog*
Josue 3:17a

At ding sacerdotes a magdala king kaban ning tipan nang JEHOVA tinalakad lang maratun king gabun a malangi king libutad na ning Jordan; at ing mabilug a Israel dinalakit king malanging gabun....

Daniel 3:21, 22 at 27

Kanita ding lalaking deti telian dong makaimalan, makatunica, at makabalabal, at atin lang aliwang susulud, at inugse rala king libutad na ning mabagsik a hornung miraralakdak. Anti na pin ning ing utus na ning ari masipit, at ing hornu bina yang mapali, pete no ning lablab ning apí ding lalaking mibuat kang Sadrac, kang Mesac, at kang Abed-nego . . . At ding satrapa, ding peka-katawan, at ding gobernador, at ding talausuk na ning ari, anti ning mitipun lang makapamisan, ikit dala ding lalaking deti, a ing apí alang kayupayan karing ka-

relang katawan, ni ing buak na man ning karelang buntut e melangnis, ni e man meuman ing karelang susulud, ni ing singo na ning apí e linabas karela.

Daniel 6:16 at 21, 22

Kanita minutus ya ing ari, at dela re i Daniel, at inugse re king lukib da ding leon. Ngeni ing ari sinabi na at ngana kang Daniel, Ing kegang Dios a susuyuwang mung makaparati, ya iligtas naka . . . Kanita sinabi nang Daniel king ari, Oh ari, luid ka king kapilan pa man. Ing Dios ku pepabal ne ing kegang ángel, at sera nala ding asbuk da ding leon, at e raku ninuan balang . . .

Jeremias 23:29

E wari anting apí ing kanakung amano? nganang JEHOVA; at anti mong metung a pamukpuk a babalbal mangalati king roca?

Hebreos 4:12

Uling ing amanu ning Dios mabie, at darapat, at mataram pa king kaisanumang talibung a adua taram, at tatalab ya angga king pamikawani na ning kaladua ila ning espíritu, ding pikalukaluan ila ning utak, at maliksi yang kilala karing kaisipan ampon karing nasa ning puso.

Efeso 6:17

At dalan ye ing kupiang bakal ning kaligtasan, at ing talibung

ning Espíritu, a ya ing amanu na ning Dios.

Dalit 119:9

Makananu neng alinis ning metung a kayanakan a lalaki ing keang dalan? King kapamilatan na ning pamanupad king keang amanu.

Juan 15:3

Malinis nakayu king uli na ning amanung guingkas ku kekayu.

Juan 17:17

Papagbanalan mula king katutuan; ing amanu mu katutuan.

Filipos 2:16a

Tatalan king amanu na ning bie

Uling kea manuknangan ing mabilug nang panga Dios king pamikatawan tau. —Colosas 2:9

Oini ing dalagang alang bakas muktut ya. At manganak yang metung a lalaki, at mipalaguiwan yang Emmanuel; a ing kabalugan na, Ing Dios kayabe taya. At i José... e ne kilalang babai anggang e mibait ing anak a lalaking pangane: at pepalaguiwan neng JESUS. —Mateo 1:23-25

Dapot i Jesús mekibat ya karela, I Ibpa ku angga ngeni darapat ya, at aku darapat ku. King uli na niting kasangkanaan ding Judios pigkapilitan da ing

apate re, uling e mu ing lalabagan na ing sabbath nung e ausan ne pa ing Dios tune nang Ibpa, pakipante na ing sarili na king Dios.

—Juan 5:17, 18

A metunggue nang Anak ning Dios maki kayupayan tungkul king espíritu ning kabanalan, king keang pangasubling mebie ibat karing mete. —Roma 1:4

*Ing Daya Nang Cristo Ya Murin
Ing Daya Ning Dios*

Ingatan yu ing sarili yu, ampon ding anggang káwan, a nung kenu ing Espíritu Santo binili nakong obispo, bang pakanan ye ing iglesia na ning Guinu a seli na king tune nang daya. —Dapat 20:28

Apocalipsis 1:5a at 8

**At manibat kang Jesucristo, . . .
Aku ing Alfa at ing Omega, nga-
na ning Guinung Dios, ing mabie
at ing mebie, at itang datang, ya
ing Kakataskatasan.**

**A miligtas kekatamu king
kayupayan na ning dalumdum, at
linipat nakatamu king kayarian
na ning Anak na ning keang
lugud; A kea atiu ing kekatang
pangayatbus, ing kapatawaran
ning kekatang kasalanan; A iti
yang larawan na ning Dios a e ma-
yayakit, ing pangane king ang-
gang melalang: Uling king uli na
melalang ing keganaganang ba-
gue, karing banua at king babo**

**ning labuad, ding bague mayaya-
kit at ding bague a e mayayakit,
maguing ding luklukan da man
ding ari, o ding pamaniakup, o
ding pekapun, o ding kayupayan;
ding sablang bague melalang la
king pamamilatan na at king uli
na.**

—Colosas 1:13-16

1 Timoteo 6:14b-16

**. . . Guinung Jesucristo. A iti
king sarili nang kapanaan pa-
kilala ne nung ninu ing nuan at
bugtung a Mayupaya, ing Ari ra
ding ari, at Guinu ra ding guinu;
A ya ing bukud mung atin king
kealan kamatayan, . . . a kea atiu
ing puri at upayang alang angga.
Yanasa.**

ING KETASAN NANG CRISTO YANAMAN ING KETASAN NING IBPA

Hebreos 1:3

A iti, anti ning ningning ne ning keang ligaya, ampon tune neng larawan ning keang katawan at mamalale karing sablang bague king amanu ning keang upaya, inyang guewa na ing pamanlinis king kasalanan, linukluk ya king wanan ning Dangalan king katasan.

Efeso 1:19-22a

At nung nanu ing kasasakdalan nang degulan ning keang upaya dikil kekatamung maniwala, agpang ketang daraptan na ning sikanan na ning keang kaguiwan, a depatan na kang Cristo, inyang

binangun neng ibat karing mete, at likluk ne king wanan na karing karinan ning banua, king kakataskatasan ning keganaganang pamaniakup, at kapalyarian, at upaya at kapamajalan, at balang laguiung mipalaguiuan, e mu king yatung iti, nung e kanita pang daratang: At ing sablang bague king pangasakup lalamding keang bitis

Aku at i Ibpa ku metung kami mu. . . . —Juan 10:30

At dininan neng kayupayan dapat king pamanatul, uling metung yang anak ning tau. —Juan 5:27

*Mayupaya Ya Antimong
Pamuntok*

At ing Espiritu ya ing babie patutu, pablasang ing Espiritu ya ing katutuan. —1 Juan 5:7

Dapot i Pedro sinabi na, Ananías, baket kitmuan neng Satanás ing pusu mu bang maglaram ka king Espiritu Santo, at bang isalikut mu ing metung a dake ning alaga na ning gabon? Kaba ning menatili keka e wari ita menatiling kekang sarile? at pangayaring mipisali e wari atiu mu naman king kayupayan mo? At i Ananías panamdang na king amanung iti miragsa ya at mepatatad ya inawa: at dinatang ing

maragul a takut karing sablang mekaramdam kaniti.—Dapat 5:3-5

*Mengatmung Talasalpantaya
Magsalitanng Ating Tepangan*

At inyang mekapanalangin nala ing karinan a pititipunan dang miabeabe minugun ya at kitmuan la ngan king Espiritu Santo; at miniabi la king amanu ning Dios king tetagan. —Dapat 4:31

*Ing Magobrang Lugud Karing
Puso*

Roma 5:5

At ing kapanayan a e mipakarine; uling ing lugud ning Dios makabubu karing kekatang pusu king pamamilatan na ning Espiritu Santo a miabie kekatamu.

Hebreos 7:25

King uli na naman niti malyari yang mangabus angga king lalung matas karing lalapit king Dios king pamamilatan na, pablasang makapanatili yang mabie bang mamilatan ya karela.

Judas 24

Ngeni itáng maki aguiu a makaingat kekayu king pangatakid, at bang ayarap nakong alang kapintasan king arapan na ning keang ligaya kagum na ning lubus a tula.

2 Corinto 9:8

At ing Dios arapat na a king ing anggang kalam miabie labislabis kekayu; king bang, ikayung atin a

parati king anggang bague king alang kulang, mika atin kong dakal dikil king balang dapat a mayap.

Lucas 3:8b

...king ing Dios arapat na, aguiang kareting batu a mitalakad anak nang Abraham.

Roma 4:16c at 20, 21

Abraham...Makanian man king pamanaya king pangaku ning Dios, e mikakunu king uli ning kealan kapaniwalan, nung e mesikan ya king kasalpantayanan, babie yang kaligayan king Dios, at anti ning lubus bitasan na king ing pengaku na atuparan na naman.

Filipos 3:21b

...king pamaniapat nang malyaring apasakup na kea ing sablang bague.

Daniel 3:17 at 26a, 27b

Nung mipakanian, ing kekeng Dios a kekaming susuyuwan malyari nakeng aligtas king mabagsik a hornung miraraladak; at iligtas nakami king kekang gamat, Oh ari... Kanita linapit ya i Nabucodonosor king asbuk na ning mabagsik a hornung miraraladak: sinabi na at ngana, Sadrac, Mesac, at Abednego, ikayu a talasuyu na ning Kakataskatasan a Dios, lual kayu, at ume ko keni... At...

ikit dala ding lalaking deti, a ing apí alang kayupayan karing karelang katawan, ni ing buak na man ning karelang buntuk e melangnis, ni e man meuman ing karelang susulud, ni ing singo na ning apí e linabas karela.

Hebreos 2:18

Uling anti ning ya migkasakit ya king pangatuksuan, ya malyaring asaupan nala naman detang mitutuksan.

Upaya King Kamatayan

Hebreos 11:19a

Binalak na king busal da man ding mete apasublian neng mie ning Dios....

2 Timoteo 3:15

At ibat pa king pungul ka abalu mu no ding banal a kasulatan nung isanu ding makapabiasa keka king kaligtasan king pamamilatan na ning kasalpantayanan a atiu kang Cristo Jesús.

Efeso 3:20, 21

Ngeni kea a malyaring makapat king lalung dakal a maiguit king anggang malyaring aduan o isipan, agpang king kayupayan a darapat king kekatamu, kea na sa ing ligaya king iglesia at kang Cristo Jesús karing anggang panaun a angga king mangga. Yanasa.

Dapat 20:32

At ngeni pagsakdal dako king Dios ampon king amanu ning keang kalam, a iti mayupaya yang patibe kekayu, at pamana karing anggang pepagbanalan.

Roma 11:1 at 23

Sasabian ku pin, Sikuil ne ning Dios ing keang balayan? E na ipaintulut ning Dios. Uling aku man Israelita ku, king laji nang Abraham, king tribu nang Benjamin. . . . At ila man, nung e la manatili king e ra pamaniwala, mitaid la: uling apalyari ning Dios asubli nong itaid miuman.

ING UPAYA NANG CRISTO MAMATAWAD KASALANAN 17

Dalit 130:3, 4

Nung ika, JEHOVA, igugulis mu ing dewakan, Oh Guinu, ninu ing makapibata? Dapot ating kapatawaran keka, bang pitakutan ka.

Nung ing kanakung balayan, a mayayaus king kanakung laguiu, magpakumbaba la, at manalangin la, at panintunan da ing kanakung lupa, at painggulutan da ing karelang marawak a lakad; kanita aku pakiramdaman ku manibat banua, at patawaran ku ing kasalanan da, at pakayapan ku ing karelang labuad. —2 Cronica 7:14

Marcos 2:9-12a

Isanung lalu pang mayan sabian king lumpu, Ding kasalanan

mu mipatawad la; ó sabian, Talakad ka, at kuanan me ing pagkeran mu, at lumakad ka? Bang abalu yu pin, king ing Anak ning tau atin yang kayupayan keti sulip mamatawad kasalanan (sinabi na king lumpu), keka sasa-bian ku, Talakad ka, kuanan me ing pagkeran mu, at ume ka bale mu. At tinalakad ya, at kanita mu rin dimput ne ing pagkeran na, meko ya king arapan da ngan.

Lucas 12:10

At ing balang metung a maniabing makasalang king Anak ning tau, mipatawaran ya; dapot ing maniabing sumpa salang king Espiritu Santo e ya mipatawaran.

18 UPAYA NANG CRISTO A PAKAYAP KING KALADUA

Inya nung ninuman atiu kang Cristo, metung yang bayung melalang: ding bague a matua linipas na la, oreni, meguing bayu la. —2 Corinto 5:17

Bang, nung makananung migari ing kasalanan king kamatayan, makanian mu naman magari ing kalam king pamamilatan na ning katuliran king bie alang angga, king pamamilatan nang Jesu-cristong Guinu tamu. —Rom 5:21

Dapot mipakilala ngeni king pamamilatan na ning pangalto na ning kekatáng Mángabus a i Cristo Jesús a ya leko na ing kamatayan, at inatad na king sala

ing bie at ing alang kamatayan king pamamilatan na ning evangelio. —2 Timoteo 1:10

At ing ninu mang mabibie at maniwala kanaku e ne mate kapilan man. Paniwalan mu ite? —Juan 11:26

Uling ikami a mabibie parati keng miayabie king kamatayan king uli nang Jesús, bang ing bie na namang Jesús mipakilala ya king kekeng laman a maki kamatayan. —2 Corinto 4:11

Ing tulisan e ya daratang, nung e ya manako, at makamate, at sumintang: aku dinatang ku bálang mika bie, . . . labislabis. —Juan 10:10

Lucas 8:43, 44

At ing metung a babai, a kaya-yagasan daya atin nang anggung labingaduang banua, a guigulan na na ngan ing bandi na karing manulu, at ninu man e re apakayap, linapit ya kea king gugulutan na, at tigkilan ne ing guilid na ning keang imalan: at kanita mu rin tinuknang yang kayayagasan.

Marcos 6:56

At nu ya man lungub karing nayun, o ciudad, o karing gutad bibili ro ding sakitan karing plaza, at pagamuamu ra kea a

paintulutan no sana aguiang tagkil mu man king lele ning keang imalan: at detang anggung mekatagkil, kinayap la ngan.

Mateo 8:16, 17

At inyang miras na ing gatpanapun, dela ro kea ding alipnan da ding demonios: at king metung nang amanu pepalualan no ding espiritu, at pepakayapan na la ding anggung salunan: Bang matupad ing mesabi king pamamilatan na ning manulang Isaiás, a ngana, Ya muring kinanua king kekatang sakit, at migdala king kekatang panamdaman.

UPAYA NANG CRISTO A PAKAYAP KARING ANGGANG CLASING SAKIT

Lucas 13:13

At timpak no ding gamat na kea: at kanita mu rin miyatyat ya, at pepaligayan ne ing Dios.

Lucas 7:21

King oras a ita pepakayapan na la ding dakal king karelang sakit at batbat at espiritung marawak; at ding dakal a bulag siblianan nong panimanman.

Lucas 17:12 at 14

At inyang lungub ya king metung a nayun, dinatang lang sasalubungan de ding apulung lalaking leproso, at tinuknang la king makaray: . . . At inyang ikit na la, sinabi na karela, Ume kayu, at

pakit kayu karing sacerdotes. At milyari kabang mame la melinis la.

Mateo 8:14, 15

At inyang datang ya i Jesús king bale nang Pedro, ikit ne ing katwangan nang babai makakera ya at malalagnat. At inapis ne gamat, at ing lagnat likuan ne; at ya tinalakad ya, at sinuyu ya kea.

Lucas 22:50, 51

At ing metung karela sinugat ne ing ipus na ning matas a sacerdote, at leko ne ing balugbug nang wanan. . . i Jesús, . . . inapis ne ing keang balugbug, at pepakayapan ne.

UPAYA NANG CRISTO A PAKAYAP KARING ANGGANG CLASING SAKIT

21

Mateo 9:28-30a

At inyang lungub ya king bale, linapit la kea ding bulag: at i Jesús sinabi na karela, Paniwalan yu ing arapat ku ite? Sinabi ra kea, Wa, Guinu. Kanita pin inapis no mata, ngana, Nung makananu ing kekong kasalpantayanan, yang mapalyari kekayu. At mebuklat la ding karelang mata.

Mateo 8:5-7 at 13

At pamanlub na Capernaum, linapit ya kea ing metung a centurion pagamuamu na kea, at sinabi na, Guinu, ing ipus ku makarate ya bale, lumpu ya, at bina yang misasakitan. At i Jesús si-

nabi na kea, Datang ku at pakayapan ke. . . . At i Jesús sinabi na king centurion, Mako na ka; at nung makananu ing kapaniwalan mu, yang mapalyari keka. At ing ipus na kinayap ya king oras muring ita.

Juan 5:5 at 8, 9

At atiu karin ing metung a taung atin neng atlu nang pulu at walung banua king sakit na. . . . I Jesús sinabi na kea, Talakad ka, ibuat me ing pagkeran mu, at lumakad ka. At kanita mu rin kinayap ya ing lalaki, at biwat ne ing pagkeran na, at linakad ya. Ngeni, sabbath ing aldo a ita.

ALANG SAKIT A TUTUNG MARAGUL A ENA A PAKAYAP JESUS

Mateo 4:23

At i Jesús libutan na ing mabilug a Galilea, tuturu ya karing sinagogas da, at panaral ne ing mayap a balita ning kayarian at pakayapan no king anggang sakit at keganagana rang panamdaman ding memalayan.

Mateo 19:2

At tikian de ding maragul a kekaldan; at pepakayapan no karin.

Lucas 6:17b-19

...at bang kumayap la king karelang sakit; At ding pasakitan da ding espiritung marinat kinayap la. At ding anggang keraklan pagkapilitan deng atagkilan; uli

ning ing lulual kea upaya a pakayap karela ngan.

Santiago 5:14a, 15a

Ating ninu mang masakit libutad yo? pabustan yeng payaus karing makatua king iglesia, ... At ing panalangin ning kasalpan-tayanan iligtas ne itang masakit, at ibangun ne ning Guinu

Mateo 15:30

At detangan de ding maragul a kekaldan, a magdalang pile, bulag, pipi, singkul, ampon aliwa pang dakal a salunan, at binili ro karing bitis na: at ya pepakayapan nala.

At pengamanuan neng Jesús at ing demonio linual ya kea: at ing anak kinayap ya manibat king oras a ita. —Mateo 17:18

At ding demonios man miglual la karing malda, gugulisak la, at ngara, Ika ing Anak ning Dios. At ya sasabianan nala, e no pepaintulutan maniabi, uli ning balu ra king ya ing Cristo. —Lucas 4:41

At pangaras da kangatba, king labuad da ding tau Gadára, selubungan de ding aduang alipnan dang demonios, a lulual karing kutkutan, mabagsik lang bina, nanupata ninuman alang mangangas daralan king dalan a ita. At

oini, kinulait la, ngara, Nanung pakialam mi keka, oh Anak ning Dios? mine ka keting pasakitan mu kami bayu miras ing panaon? At ating makarayu karela metung a káwan da ding dakal a babing mamangan. At ding demonios pekisabi ra kea, ngara, Nung palualan mu kami, padala mu na kami mu ketang káwan da ding babi. At ya sinabi na karela, Ume kayu. —Mateo 8:28-32a

Kanita pin pigdala reng metung a taung makayalipan king demonio, bulag ya at pipi: at pepakayapan ne, nanupata ing pipi miniabi ya at menakit.

—Mateo 12:22

UPAYA NANG CRISTO BAN PASUBLIAN NONG MIE DING METE

At linapit ya, tigkilan ne ing ka-baung: at ding magdala tinuk-nang la. At sinabi na, Baintau, sasabian ku keka, talakad ka. At linukluk ya ing mete, at migmula yang miniabi. —Lucas 7:14, 15

I Jesús sinabi na kea, Subli yang mie ing kapatad mu. I Marta sinabi na kea, Balu ku king subli yang mie king pamanyu-blingmie king tauling aldo. I Jesús sinabi na kea, Aku ing pangasubling mebie at ing bie: ing maniwala kaku aguiang mete ya, makanian man mie ya; . . . At pangasabi na niti, kinulait ya king masakan a siwala, Lázaro, lual ka.

At itang mete linual ya, makatali ya bitis ampon gamat king pama-lut mete; at makabalut ya lupa king metung a ulas. I Jesús sinabi na karela, Kalagan ye, at paburen yeng mako. —Juan 11:23-25; 43, 44

Ya maniabi ya mu, dinatang ya ing metung a ibat king bale na ning pekapun king sinagoga a sinabi kea, Ing anak mu mete ne; e mu ne pangabalanan ing Maestro. . . . Dapot ya, inyang talanan ne king gamat, minaus ya, ngana, Dalaga, talakad ka. At ing espiritu na mibalik ya, at tinalakad yang agadagad

—Lucas 8:49 at 54, 55a

PANGAKO NING DIOS TUNGKOL KING PANGASUBLING MEBIE

25

Juan 5:25

Ing katutuan, ing katutuan sasabian ku kekayu, Datang na ing oras, at ngeni na, nung kapi-lan ding mete damdaman da na ing siwala ning Anak ning Dios; at ding makiramdam mie la.

Juan 5:28, 29a

E yu pagmulalan iti: uling datang ing oras a ding anggung atiu king kutkutan damdaman da ing siwala na. At lual la

Dapat 24:15

Manaya ke pin king Dios, king ila man panayan da, king ating pamanyubli rang mie e mu ding banal nung e ding e banal.

Uling iti ya pin ing kaburian nang Ibpa ku, a ing balang metung a lalawe king Anak at mani-wala kea, mika bie yang alang ang-ga; at aku pasublian kong mie king tauling aldo. —Jan 6:40

Pangabaluan mi na king ing mi-bangun king Guinung Jesús, iban-gun nakami naman a kayabe nang Jesús, at iyarap nakaming kayabe yu. —2 Corinto 4:14

Uling ing Guinu kabud yang kuldas ibat banua, maki metung a gulisak, king siwala ning ar-cángel, at king pakakak ning Dios: at ding mete kang Cristo talakad lang muna. —1 Tesalonica 4:16

Uling ding bague nang e mayayakit, anti ding alang angga nang kayupayan ampon panga-Dios: manibat king pangalalang ning yatu, bina lang masalang mayayakit, pablasang makikilala la king pamamilitan da ding bague a megawa, bang ila ala lang asangkan. —Roma 1:20

1 Pedro 3:22

A inyang ume ne banua, atiu wanan na ning Dios; makasakup la kea ding ángeles at kapamajalan ampon kayupayan.

Apocalipsis 3:7b

...Deting bague sasabian na ning banal, ing katutuan, nitang maki atin king susi nang David,

itang bubuklat at ninuman e ne akabat, at mikakabat at ninuman e ne abuklat.

Mateo 28:18

At linapit ya karela i Jesús, pekisabian nala, ngana, Ing anggong kayupayan karin banua ampon keti sulip miabie kanaku.

Ing manibatan babo, atiu babo ding sabla . . . —Juan 3:31

...king ing keang banal a upaya binie no kekatamu ding kegaganang bague a makatungkul king bie ampon kabanalan, king pamamilitan ning pamangilala kanitang kekatamu minaus king sarili nang kaligayan at kayapan. —2 Pedro 1:3b

*Ing Kabaluan Na King
Sablang Bague*

Mateo 17:27

Dapot a magkang mitakid la kekatamu, ume ka king dayat-malat, at mibaldug kang metung a taga, at kuanan me ing munang asan a mayakua; at kabud ibuklat me asbuk akit me ing metung a siculo: kuanan me ita, at ibie me karela para kekata yang adua.

Roma 2:16

King aldo a atulan na ning Dios ing dapat dang makasalikut ding tau agpang king kakung evangelio, king uli nang Jesucristo.

*Ing Himalang Pamipakan Karing
5000-Katao*

Mateo 14:17-21

At ila sinabi ra kea, Ala ke keni nung e mu limang tinape, ampon aduang asan. At sinabi na, Idala yo keni kaku. At inutus na karing kekaldan king magjilig la babo ning dikut; at kinua no ding limang tinape at ding aduang asan, at tinalanga ya banua binendiciunan nala at pirakerake no ding tinape, at binie no karing alagad, at ding alagad, karing kekaldan. At mengan la ngan, at kinabsi: at kingua ra ing pisipising mitagan, labingaduag salikap a mitmu. At ding mengan ating limang libu katau

28 ING ALANG ANGGANG UPAYA NANG CRISTO

*Ing Pamaglakad Na Babo
Ning Danum
Mateo 14:25*

At king kapat nang vigilia ning bengi inayan nala, lalakad ya babo dayatmalat.

*Ing Pamituknang Na King Uran
Apocalipsis 11:6*

Deti maki upaya lang mikabat king banua, bang e muran king aldo ning karelang pamanula; at atin lang upaya king danum bang apapalyarian dang daya at bang abatbat da ing labuad king balang batbat kapilan mang aburi ra.

*Ing Pamipayapa Na King Bagyo
At Dayatmalat
Mateo 8:26*

At sinabi na karela, Baket tatakut kayu, taung ditak a kasalpan-tayanan? Kanita pin mibangun ya, at sebianan na ing angin ampon ing dayatmalat; at mika maragul a karatunan.

*Ing Upaya Nang Talnan Ne
Ing Yatu
Colosas 1:16b, 17*

...ding sablang bague melalang la king pamamilatan na at king uli na; at ya mumuna ya kar-ing sablang bague, at ding sablang bague mabibie la kea.

Roma 6:9

Pangabaluan king i Cristo pamaniubli na nang mebie karing mete e ne mate; ing kamatayan ala nang pamaniakup kea.

Apocalipsis 1:18a

Aku itang Mabiebie; at aku mete ku, at oini, aku mabie ku angga king mangga.

Dalit 66:1-4

Gawa kong metung a matulang inge king Dios, mabilug a labuad: Idalit yu ing ligaya na ning keang laguiu: Gawan yung maligaya ing keang kapurian. Sabian yu king Dios, Makapangilabut no ding keang dapat! King pamamilatan

na ning degulan ning keang upaya pasisuku la keka ding kasalang mu. Ing mabilug a labuad samba keka, at d'alit keka; d'alit la king keang laguiu. Selah.

Ing Upaya Na King Kayarian

1 Corinto 4:20

Uling ing kayarian na ning Dios e ya king amanu, nung e king upaya.

Apocalipsis 17:14a

Deti makipamuk la laban king Cordero, at ing Cordero saulan nala, uling ya ing Guinu ra ding guinu, at Ari ra ding ari

30 **ING ALANG ANGGANG UPAYA NANG CRISTO**

Ing Upaya Na Karing Sablang Bie

Agpang king kayupayan a binie mu kea babo ra ding anggung laman, bang karetang anggung binie mu kea, munie yang bie alang angga. —Juan 17:2

Ing Ayun Inyang Mate Ya

At i Jesús miuman yang kinulait masikan, at binie ne ing keang espiritu... at guinalgal ing gabun....

—Mateo 27:50 at 51b

Biniayan Nang Pasibayu Ing Sarili Na

Uli na niti ing Ibpa kaluguran naku, uling daraun ke ing bie ku, bang kuanan keng pasibayu.

Alang ninumang makalako kaniti kanaku, nung e kusa kung idaraun. Atin kung kayupayan munie, at atin kung kayupayan a kuanan kung pasibayu. Ing kautusan a iti tinggap ku a ibat kang Ibpa ku. —Juan 10:17, 18

Ing Pamagbalik Nang Mitmung Kayupayan

I Jesús sinabi na kea, Ika sinabi mu: makanian man sasabian ku kekayu, king manibat pa ngeni akit ye ing Anak ning tau a makalulukluk wanan na ning Kayupayan, at datang ya babo ding biga banua. —Mateo 26:64

Pamipatawad Kasalanan

Dapot bang abalu yu pin, king ing Anak ning tau maki kayupayan ya keti sulip mamatawad kasalanan (kanita sinabi na pin king lumpu), Talakad ka, kuanan me ing pagkeran mu, at muli ka bale mu.

—Mateo 9:6

Upayang Munie Bie Alang Angga

Ding tupa ku pakiramdaman da ing siwala ku, at aku balu kula, at ila tutuki la kanaku: At aku dirinan kong bie alang angga

—Juan 10:27, 28a

Ing Pangayatbus Na Ning Ninuman

At magmula Jerusalem mipa-

naral king laguiu na karing anggang bansa, ing pamanisi king kapatawaran king kasalanan.

—Lucas 24:47

Ing Pangalinis Da Ring Kaladua

. . . king pamipabanal na ning Espiritu, tungkul king kapamin-tuan at pamamisik king daya nang Jesucristo

—1 Pedro 1:2b

Ing Pamagtagumpe Ninumang Talasalpantaya

Ing Guinu ikabus naku king balang dapat a marawak, at iligtas naku king kayarian na banua

—2 Timoteo 4:18a

King uli na niti ing Dios naman siplala neng bina, at binie ne kea ing lagiu a makababo karing sablang lagiu; king laguiu nang Jesús ing balang tud siklaud ya, ding king banua at ding king labuad —Filipos 2:9, 10a

Dapot deti misulat la, bang maniwala kayu king i Jesús ya ing Cristo, ing Anak ning Dios; at king pamaniwala mirinan kong bie king lagiu na. —Juan 20:31

. . . Maestro, menakit keng metung a tau a king lagiu mu apapalual no ding demonios; at ikami bewalanan miya, uling e ya

tutuki kekatamu. Dapot i Jesús sinabi na, E ye babawal; uling ninuman alang makapalyaring mala king lagiu ku, nung maniabi yang marawak kanaku.

—Marcos 9:38b, 39

At ing nanu mang aduan yu king lagiu ku, ita yang daptan ku

—Juan 14:13a

Dapot i Pedro sinabi na, Pilak at guntu ala kanaku; dapot ing atiu kanaku, ita ibie ku keka. King lagiu nang Jesucristo a tau Nazaret, lumakad ka. At telan ne king wanan nang gamat, at tela-kad ne: at agadagad ding bitis na at bukungbukung tinanggap lang sikanan.

—Dapat 3:6, 7

A kea atiu ing kekatang pangayatbus king pamamilatan na ning keang daya, ing pangapatawaran ning kapanalangsangan tamu, agpang king pibandian na ning keang kalam. —Efeso 1:7

At ila simbut de king uli na ning daya na ning Cordero, at king uli ning amanu na ning karelang pampatutu —Apocalipsis 12:11a

Ngeni ing Dios ing kapayapan, a kinanuang pasibayu ibat karing mete king maragul a pastul ding tupa kambe ning daya ning alang anggang tipan, a ya ing kekatang Guinung Jesús, gawan nako sang sakdal king balang mayap a bague báng daptan yu ing keang

kaburian, a daraptan na kekatamu ing makapatula king keang panimanman, king pamamilatan nang Jesucristo; a kea na sa ing ligaya angga king mangga. Yanasa. —Hebreos 13:20, 21

... Deti ila ding linual king maragul a kasakitan, at pinipi ra ing karelang imalan, at pitian da king daya na ning Cordero.

—Apocalipsis 7:14b

Dapot nung lalakad tamu king sala, anti mo ya atiu king sala, atin tang pamakiagum king metung at metung, at ing daya nang Jesús a keang Anak lilinisan nakatamu king sabla táng kasalanan. —1 Juan 1:7

Apocalipsis 5:12

Maniabi la king metung a maragul a siwala, Karampatan ya ing Cordero a pete ra, a tanggapan na ing upaya, at pibandian, at kabiasnan, at sikanan, at kapurian at kaligayan, at kanuanan.

Dalit 9:11

Dalit kayung kapurian kang JEHOVA, a manuknangan king Zion: Ibulalag yo king libutad na ning balayan ding keang dapat.

1 Pedro 2:9

Dapot ikayu metung kayung daing pili, metung a pangasacerdoteng marangal, metung a banal a bansa, metung a balayan a bandi nang tune ning Dios, bang

ipakilala yu ing matas a dangalan na nitang kekayu minaus manibat king dalumdum king keang makapagmulalang sala.

Dalit 22:23a

Ikong tatakut kang JEHOVA, purian ye.

Dalit 67:5-7

Pabustan mung purian daka ding balayan, Oh Dios; Pabustan mung purian daka ding anggung balayan. Ing labuad binunga na ing keang bunga: Ing Dios, ing kekatang sariling Dios pin, panuanan nakatamu. Ing Dios panuanan nakatamu; at ding sablang wakas ning labuad tumakut la kea.

NANUNG DAPTAN KO BAN KAMTAN KO ING BIE ALANG ANGGA?

35

Mateo 19:16b, 17a at 17c-21

... Maestro, nanung mayap kung daptan bang akamtan ku ing bie alang angga? At ya sinabi na kea, ... nung bisa kang lungub king bie, tuparan mo ding utus. Sinabi na kea, Isanu? At i Jesús sinabi na, e ka makamate, e ka darapat paliwas, e ka manako, e ka sasaksing kalaraman, igalang me i ibpa mu at indu mu; at, Luguran me ing lupa mung tau anti mo keka. Sinabi na kea ning kayanakan, Iti ngan tiparan ku: nanu pang kulang kanaku? Sinabi na keang Jesús, Nung buri mung mi-ganap ka, ume ka, pisali mu ing

anggang kayatinan mu, at ibie mu karing kalulu, at mika bandi ka banua: at mekeni, tuki ka kanaku.

Sumisi, Salpantaya At Tumangap

... at mibalik ya y Jesús, ... At sasabian na, Metupad na ing panaun, at linapit na ing kayarian ning Dios: sumisi kayu, at mani-wala kayu king evangelio.

—Marcos 1:14b, 15

Atiu king yatu, at ing yatu megawa ya king pamamilatan na, at ing yatu e ne akilala... Dapot detang kea tinanggap pigkaluban nong mipalagiwan anak ning Dios; detang maniwala king lagiu na.

—Juan 1:10 at 12

36 Y CRISTO YA ING DALAN, ING KATUTUAN AT ING BIE

Uling ing kautusan miabie king pamamilatan nang Moises; ing kalam ampon ing katutuan dinatang king pamamilatan nang Jesucristo. —Juan 1:17

I Jesús sinabi na kea, Aku ing dalan, at ing katutuan, at ing bie; ninuman alang miras king Ibpa, nung e king uli ku. —Juan 14:6

Ninu ing malaram nung e itang payali king i Jesús ya ing Cristo? Iti ya ing anticristo, ya ing payali king Ibpa at king Anak.

—1 Juan 2:22

Lungub ko king pasbul a makiput; uling maliwalas ya ing pasbul, ampon malapad ya ing dalan

a mame king kasiran; at dakal la ding lulub kea. Uling makiput ya ing pasbul, at makitid ya ing dalan a mame king bie, at ditak la mu ding manakit kea.

—Mateo 7:13, 14

Kea atiu ing bie; at ing bie ya ing sulu ding tau. —Juan 1:4

Uling nung makananung ing Ibpa atin yang bie king sarili na, makanian mu naman pigkalub na king Anak king atin yang bie king sarili na.

—Juan 5:26

Aku ing tinape a mabie a tinipang ibat banua: nung ninuman mangan ya king tinape a iti, mie yang alang kapupusan . . .

—Juan 6:51a

Y CRISTO YA KABUD ING UPAYA PARA KING KALIGTASAN

37

Hebreos 9:24-28

Uling i Cristo e ya linub king metung a banal a karinan a guewang gamat, . . . nung e king banua kabud, bang miarap ngeni arapan na ning Dios dikil kekata-mu: Ni e mu naman karampatan a yain nang maralas ing sarili na, anti mo ing panlub na ning matas a sacerdote banua banua king banal a karinan king daya a e king sarili na; Nung e karampatan sa kea ing lumasa yang maralas manibat king pangatalakad ning yatu: dapot misan mu kabud king kapupusan da ding panaun ya mipabalu ya bánang ilako ing ka-

salanan, king pamamilatan na ning ain king keang sarili. At makanian mu naman anti ning mitalaga karing tau king mate lámung misan, at kaibat na niti tuki na ing pamanukum; Makanian mu naman i Cristo, a inain na king misan mu, bang dalan na ing kasalanan ding dakal pakit ya king kaduang ukdu a makakawani king kasalanan karetang manaya kea king kaligtasan.

At kaninu pa man alang kaligtasan; uling ala metung mang lagiu lalam ning banua, a miabie karing tau, a makakabus kekata-mu. —Dapat 4:12

ING UPAYA NANG CRISTO A MAGLIGTAS KEKA ANGGA KING MANGGA

1 Timoteo 1:15

Tapat ing kasebian, at karampatan ping lubus tanggapan, king i Cristo Jesús dinatang ya keti king yatu bang ikabus no ding makasalahan; a kareti aku ing pekapun.

Roma 1:16a

Uling e ke pin pikakarine ing evangelio: uling yang upaya ning Dios king kaligtasan ning balang metung a maniwala

Roma 3:24, 25a

A mipamayapan timawa king uli ning keang kalam, king pamamilatan na ning pangayatbus a atiu kang Cristo Jesus: A

king Dios anting ain king kablasan, king pamamilatan ning kasalpantayanan, king daya na, báng malyaring pakit ning Dios king keang katuliran king uli na ning pangayatbus ning kasalahan a depatan a minuna

Juan 4:14

Dapot ing minum king danum a ibie ku kea kapilan man e ne kumau; nung e ing danum a ibie ku kea maguing sibul ya kea a sumibul king bie alang angga.

Lucas 10:19

Oini, ikayu dininan dakong kayupayan . . . at king anggung upaya na ning kasalang

*Ing Sukdulan Nang Lugud Ning
Dios King Yatu!*

Juan 3:16

Uling king lugud ning Dios king yatu, binie ne ing Anak nang bugtung, bang ing ninu mang maniwala kea, e ya mate nung e mirinan yang bie alang angga.

Lucas 23:34a at 46

At i Jesús sinabi na, Ibpa, patawaran mula; uling e ra balu ing daraptan da. . . . At i Jesús kinulisak yang masikan, at sinabi na, Ibpa, karing gamat mu ipanabilin ke ing espiritu ku: at pangasabi na niti, mepatad ya inawa.

*Libre Ya Iti Karing Anggang
Bisang Tanggap*

Apocalipsis 22:17

At ing Espiritu at ing asawang babai ngara, Lumapit ka. At ing daramdam, pabustan yung sabian na, Lumapit ka. At ing mau, pabustan yeng lumapit: ing bisa, pabustan yung kuma ya king danum ning bie, alang bayad.

*Ing Lugud Ning Ibpa Karing
Keang Inatbus antimo ing Lugud
Na King Keang Anak—Ala Nang
Maragul A Lugud Pa Anti Kaniti!*

Aku karela, at ika kanaku, bang ika maguing sakdal la king pangametung; bá ping abalu na ning yatu king tinubud muku, at liguran mu la, anti mo ing pamanlugud mu kanaku. —Juan 17:23

40 ISUKO YU NO NGENI DING BIE YU KANG CRISTO JESUS A KEKATANG GUINU AT TALAPAGLIGTAS

Ikumpisal Yu Ing Kekong Kasalahan At Sumisi Kayo

Nung ipasiag tamu ing kekatang kasalahan, ya tapat ya at banal bang patawaran nakatamu king kekatang kasalahan, at linsan nakatamu king sablang dewakan.

—1 Juan 1:9

Sumisi ko pin, at mibalik kong pasibayu, bang makalis ing kekong kasalahan

—Dapat 3:19a

Salpantaya Ko King Anak Na Ning Dios

At iti ya ing pamipatutu, king ing Dios binie na kekatamu ing bie alang angga, at ing bie a iti

atiu king keang Anak. Itang nung ninu ing atiu kea ing Anak atiu kea ing bie; itang nung ninu ing alayu kea ing Anak alayu kea ing bie.

—1 Juan 5:11, 12

Ing maniwala king Anak atin yang bie alang angga, dapot itang e maniwala king Anak, e na akit ing bie, nung e ing mua ning Dios yang manatili kea.

—Juan 3:36

Ni e yo yain king kasalahan ding dake ning kekong katawan, anti mong kasangkapan na ning kealan katuliran; yain yu ing sarili yu king Dios

—Roma 6:13a

ING UPAYA NING DIOS KARING TUNE TALASALPANTAYA 41

Lugud Imbesna Takot

Uling e nakatamu dininan ning Dios king espíritu ning telotian; nung e ning upaya at ning tuntunan.

—2 Timoteo 1:7

Lugud Imbesna Kamua

Dapot ing bunga ning Espiritu ya ing lugud, tula kapayapan, kapibabatan, ganaka, kayapan, kapatapan, kamung lub, pamangawat king sarili; salang karing bague a deti alang kautusan.

—Galacia 5:22, 23

Nung ninuman sasabian na, Aku kaluguran ke ing Dios, at pikasaman ne ing keang kapatad, metung yang malaram: uling ing e lulugud king keang kapatad a

keang akakit, e ya malyaring makalugud king Dios a e na ikit. At ing utus a iti atiu kekatamu a ibat kea, king ing lulugud king Dios, lulugud ya naman king keang kapatad.

—1 Juan 4:20, 21

Kasalpantayanan Imbesna Kapikakunuan

Ninung mikawani kekatamu king lugud nang Cristo? ing kasakitan, o ing pagsalbat, o ing kaligaligan, o ing danup, o ing kalubasan, o ing panganib, o ing talibong? . . . Ali, karing keganganang bague a deti maiguit tamu karing talapagtagumpe king pamamilitan na nitang kekatamu linugud. —Roma 8:35 at 37

42 ING UPAYA NING DIOS KARING TUNE TALASALPANTAYA

Pamaningat Na Imbesna Pamagmalun

Magbalukas kayu king lugud king salapi; managiu kayu ketang atiu kekayu: uling ya mu rin sinabi na, E raka lakuan, ni e raka paimburisan. —Hebreos 13:5

Kapayapan Imbesna Kaguluan

Uling ing kaisipan ning laman kamatayan; dapot ing kaisipan na ning Espiritu bie at kapayapan. —Roma 8:6

Ing kapayapan lalakuan ku kekayu; ing kapayapan ku babie ku kekayu: e anti ing pamamie na ning yatu, ing pamamie ku ke-

kayu. E ye palingasngasan ing pusu yu, ni e ye paburen mitatakutan. —Juan 14:27

Anti ning metanggap ping banal king kasalpantayanan, atin tamung kapayapan king Dios king pamamilitan na ning Guinu táng Jesucristo. —Roma 5:1

Tune Pibandian, E Katakawan

Pakiramdaman yu, kaluguran kung kapatad; e no pinili ning Dios ding maluka ingguil king yatu bang maguing mabandi king kasalpantayanan, ampon tala-pagmana king kayarian a nung isanu ing pengaku na karing kea lulugud? —Santiago 2:5

ING UPAYA NING DIOS KARING TUNE TALASALPANTAYA 43

Kasiguruan, E Kapikakunuan

Deting bague sinulat ko keka-
yu, bang abalu yu king atin kong
bie alang angga; aguiang kekayu
a maniwala king laguiu ning
Anak ning Dios. —1 Juan 5:13

Kalinsan Imbesna Karinatan

Ikit na king lilinis la ding ke-
kong kaladua king uli na ning
kekong kapamintuan king katu-
tuan king lugud a e kukupas ka-
ring kapatad, mikalugud kayu ing
metung at metung king pusu yu
king katapatan. —1 Pedro 1:22

Dapot ing kawakasan na ning
bilin ya ing lugud a manibatan
king metung a pusung malinis: at

king metung a pilubluban a
mayap at king kasalpantayanan a
tapat. —1 Timoteo 1:5

Tula Imbesna Kalungkutan

Ngeni ing Dios ning kapanayan
katmuan nakayu king anggung
tula at kapayapan king pama-
niwala —Roma 15:13a

Deting bague sinabi ko kekayu,
bang mike kekayu ing tula ku, at
ing tula yu miganap. —Juan 15:11

Ikayu pin ngeni maki lungkut
kayu: dapot akit dakong pasiba-
yu, at tumula ya ing pusu yu, at
ninumman e na alako kekayu ing
tula yu. —Juan 16:22

44 ING UPAYA NING DIOS KARING TUNE TALASALPANTAYA

Sikanan Imbesna Keinan

Efesio 6:10

Katataulian magpakasikan kayu king Guinu, at king upaya na ning keang sikanan.

Kapanayan Imbesna Kaligaligan

Manaya king nuan a kapanayan ampon king pangalto na ning ligaya ning marangal a Dios at ning Talapagligtas tamung i Jesucristo. —Tito 2:13

Báng king uli ra ding aduang bague a e mauman a kareti e mapalyari king ing Dios maglaram ya, mika atin támung metung a masikan a pamipasikan lub itámung tinakas manintun santungan bang talan king kapa-

nayan a makabili arapan tamu: Nung isanung gagawan tamung anting sinipete ning kaladua, kapanayan a bitasa at matibe at lulub ya ketang atiu king lub ning tabing. —Hebreos 6:18, 19

Katutuan Imbesna Kalaraman

Manugali ko sang karampatan libutad ding Gentiles; bang karing bague a sasabian da salang kekayu anting darapat marawak, king uli na ning mayap yung dapat a karelang akakit, purian de ing Dios king aldo na ning pamandalo. —1 Pedro 2:12

At abalu yu ing katutuan, at ing katutuan gawan na kong timawa. —Juan 8:32

ING UPAYA NING DIOS KARING TUNE TALASALPANTAYA 45

Tagumpe Imbesna Katalunan

1 Juan 5:4

Uling ninuman ing penganak na ning Dios dadaigan ne ing yatu: at iti ya ing pamagwaging dadaig king yatu, a ya pin ing kekatang kasalpantayanan.

Apocalipsis 15:2

At ikit ke ing anti detang linual a migwagi king lasip at king keang larawan, at king bilang na ning lagiu na, makatalakad siping ning dayatmalat a salamin, atin lang alpa ning Dios.

Panyulung Imbesna Kamusmusan

King uli na niti, lakuan la ding doctrina karing mumunang tun-

tunan nang Cristo, magkapilit táng sumulung angga king kasakdalan; e tamu mibibiling pasibayung katatalakaran na ning pamanisi karing dapat a mete, anti naman ning kasalpantayanan king Dios. —Hebreos 6:1

Anti mong pungul a bayung bait, pagimbutan yu ing alang samut a gatas a makatungkul king espíritu, bang king pamamilatan na tumubu kayu dikil king kaligtasan. —1 Pedro 2:2

Susulung Kalupa Nang Cristo

Ing sasabi king manuknangan ya kea, dapat ya mu rin namang lumakad anti mo ing linakad na. —1 Juan 2:6

46 ING UPAYA NING DIOS KARING TUNE TALASALPANTAYA

Sikanan A Pagkalub Nang Cristo Kilub Ning Tao

Bang pagkalubanan nakayu, agpang king pibandian na ning keang ligaya, king mipasikanangan ko sa king upaya king pamamilitan na ning keang Espiritu king pangataung atiu kilub. —Efeso 3:16

Malyaring arapat ku ing kegaganang bague kanitang kaku pasikan. —Filipos 4:13

E Dapat Magdependi King Sariling Beluan

At ing kakung pawaga ampon ing kakung panaral e king amanung panamuyut ning kabiasaan,

nung e king pamipakilala king Espiritu ampon king upaya.

—1 Corinto 2:4

Upayang Magpasiag

Dapot tanggap kong upaya, pamaniatang na ning Espiritu Santo kekayu: at ikong maging saksi ku karin Jerusalem at king mabilug a Judea, at Samaria, at angga pa king kawakasan na ning labuad.

—Dapat 1:8

At king maragul a kayupayan minie lang patutu ding apóstoles king pamanyubli nang mebie ning Guinung Jesús; at dakal a kalam ing atiu karela ngan.

—Dapat 4:33

UPAYA NING DIOS BAN INGATAN NO DING TALASALPANTAYA

47

Filipos 4:7

At ing kapayapan ning Dios, a mimiguit king anggung pamana-
lastas, ingatan no ding kekong
pusu at ding kekong kaisipan
kang Cristo Jesús.

Apocalipsis 3:10

Pablasang sinimpan mu ing
amanu ning kakung kapibabatan,
aku naman ingatan daka king
oras ning subuk, itang oras a
datang king mabilug a yatu,
balang masubuk ding manuknan-
gan king labuad.

Lucas 10:18, 19

At ya sinabi na karela, Aku ikit
ke i Satanás anti mong metung a

kildap a mababaldug manibat ba-
nua. Oini, ikayu dininan dakong
kayupayan a damusak ubingan at
alakdan, at king anggung upaya
na ning kasalang, at alang maka-
panasakit kekayu king makananu
man.

E ku manalangin king ilako mo
king yatu, nung e ingatan mo king
marawak. —Juan 17:15

... magpakasikan kayu king
Guinu, at king upaya na ning
keang sikanan. Misulud ko king
anggung gayak ning Dios, bakong
malyaring tumibe salang king
pirait ning diablo.

—Efeso 6:10b, 11

Kapamilatan Ning Kasalpantayan Tamu, Malyari Nakatang Pangatmuan Ning Dios King Kayang Alang Anggang Upaya

Mateo 21:22

At ing keganaganang aduan yu king pamanalagin salpantaya kayu sa, tanggapan yu.

Juan 14:12-14

Ing katutuan, ing katutuan, sababian ku kekayu, Ing maniwala kanaku, ding dapat a daraptan ku ya man daptan nala, at maigit a dapat kaniti arapat na, uling ume ku king Ibpa. At ing nanu mang aduan yu king lagiu ku, ita yang daptan ku, ban ing Ibpa mipaligayan ya king Anak. Nung ma-

niawad kong nanumang bague king lagiu ku, aku daptan ku.

Juan 15:7, 8

Nung manatili ko kanaku, at ing amanu ku manatili kekayu, aduan yu itang buri yu, at marapat kekayu. Kaniti mipaligayan ya i Ibpa ku, king pamagdala yung dakal a bunga; at maging alagad dakayu.

Mateo 7:7, 8

Maniawad kayu, at mirinan kayu; manintun kayu, at manakit kayu; tigtig kayu, at mibuklatan kayu: Uling ing balang metung a maniawad, tanggap ya; at ing manintun, manakit ya; at ing titigtig mibuklatan ya.

Inya pin sasabian ku kekayu,
Ing anggang bague a ipanalangin
yu at aduan paniwalan yu king
tanggapan yu, at mapalyari.

—Marcos 11:24

Magsaya ka naman kang JE-
HOVA; at ibie na keka ing nasa na
ning kekang pusu. Ipanabilin mu
kang JEHOVA ing kekang lakad;
manalig ka naman kea, at papa-
lyarian na.

—Dalit 37:4, 5

At ing Guinu sinabi na, Nung atin
kong kasalpantayanan a anti ing
butil a bining mustasa, sabian yu
kanining dutung a sicomoro, Ma-
bagut ka, at mitanam ka king da-
yatmalat, at pamintuan nakayu.

—Lucas 17:6

At ing kakung Dios katmuan na
ing anggang kekong kailangan
agpang king keang pibandian king
ligaya kang Cristo Jesús.

—Filipos 4:19

Kakung kaluguran, nung ing ke-
katang pusu e nakata paparusan,
atin tang tetagan king Dios; At ing
nanumang aduan tamu, tatangga-
pan ta kea; uling tutupad ta kar-
ing keang utus, at gagawan tala
ding bague a kalugudlugud king
panimanman na. —1 Juan 3:21, 22

At i Jesús sinabi na kea, Nung
ika malyari kang maniwala! Ding
keganaganang bague malyari la-
ngan king talapaniwala.

—Marcos 9:23

Text copyright Philippine Bible Society. Used by permission.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

World Missionary Press, PO Box 120, New Paris, IN 46553-0120 USA



Read booklets online or by App

www.wmp-readonline.org

726 Pampango POG

Cover photo STSci-PRC2003-11a of Helix Nebula courtesy of NASA and STSci

www.wmpress.org

2-17